

15 April 2026

**SIARAN MEDIA**  
Untuk Siaran Segera



## **ISLAMIC RELIEF MALAYSIA RAIKAN PENGHUNI RUMAH SERI KENANGAN CHERAS MELALUI MAJLIS KASIH SYAWAL 2026**

**CHERAS, 15 April 2026** – Islamic Relief Malaysia (IR Malaysia) hari ini menganjurkan Majlis Kasih Syawal 2026 bagi meraikan 178 penghuni Rumah Seri Kenangan Cheras sempena sambutan Hari Raya Aidilfitri.

Majlis yang berlangsung hari ini turut menghimpunkan rakan strategik, ikon kemanusiaan serta rakan media dalam suasana penuh kemesraan dan kasih sayang.

Majlis Kasih Syawal merupakan satu inisiatif IR Malaysia yang bertujuan menyantuni komuniti, khususnya warga emas, di samping menghargai sokongan berterusan daripada rakan-rakan kerjasama yang sentiasa bersama dalam menjayakan misi kemanusiaan organisasi.

Antara aktiviti yang diadakan sepanjang majlis termasuk jamuan makan, persembahan nyanyian oleh Afad Raihan, agihan duit raya serta penyerahan sumbangan barangan keperluan penghuni seperti 2 unit peti ais, lampin dewasa dan sabun basuh baju hasil sumbangan dan tajaan orang ramai kepada Rumah Seri Kenangan Cheras.

Selain itu, IR Malaysia turut mengagihkan duit raya dan pek makanan panas kepada para penghuni Rumah Seri Kenangan Cheras yang berada di kawasan asrama, yang uzur akibat kekangan fizikal dan kesihatan.

Pengerusi IR Malaysia, Dato' Sri Syed Saleh Syed Abdul Rahman dalam ucapannya berkata, program seumpama ini mencerminkan komitmen berterusan organisasi dalam memperkukuh nilai kemanusiaan dan menyebarkan kebaikan kepada golongan yang memerlukan, tanpa mengira latar belakang.

Dikeluarkan oleh: Komunikasi Strategik, Islamic Relief Malaysia.

Untuk keterangan lanjut, hubungi Sis Zafirah di 019-220 1788 atau e-mel ke [Zafirah.Zahari@islamic-relief.org.my](mailto:Zafirah.Zahari@islamic-relief.org.my)

“Aidilfitri adalah waktu untuk kita kembali kepada fitrah, mengukuhkan silaturahim, menyebarkan kasih sayang dan meraikan kebersamaan.

“Melalui Majlis Kasih Syawal ini, kami ingin memastikan para penghuni di sini turut merasai kegembiraan dan kemeriahan Syawal, tanpa merasa dilupakan oleh masyarakat.

“Majlis ini bukan sekadar acara sambutan Aidilfitri, tetapi merupakan tanggungjawab dan keprihatinan kita terhadap komuniti, khususnya golongan warga emas yang merupakan khazanah berharga buat kita,” katanya.

Beliau turut menambah bahawa sokongan berterusan daripada rakan strategik, ikon kemanusiaan dan rakan media amat penting dalam memastikan usaha-usaha kebajikan dapat diperluaskan kepada lebih ramai golongan yang memerlukan.

“Setiap sokongan yang diberikan, sama ada dalam bentuk sumbangan, kerjasama mahupun hebahan, memainkan peranan besar dalam membantu kami menyampaikan bantuan dan harapan kepada mereka yang memerlukan,” ujarnya.

Majlis yang diacarakan oleh pengengaruh terkenal, Fendi Mohammad (Foodie Fendi) turut dihadiri oleh Pengerusi Lembaga Pelawat Rumah Seri Kenangan Cheras, Dato’ Sri Zulkeflee Hazeh, Ahli Lembaga Pemegang Amanah IR Malaysia, Datuk Nur Iskandar A Samad, Ketua Pegawai Eksekutif IR Malaysia, Siti Fadilah Mohd Hood serta Ikon-ikon Kemanusiaan IR Malaysia, Irma Hasmie, Chef Imelda dan Adi Saujana.

IR Malaysia turut merakamkan penghargaan kepada semua pihak yang terlibat secara langsung mahupun tidak langsung dalam menjayakan majlis ini termasuk para penaja; Mek Buyong Kitchen, Cendol Sawit Melawati, Mat Telawi Trading, DOSZ Coffee, BeliKek.Com, Foodtalks & Bangi Golf Resort, Laksa Redup Rimba, Layannn Titbits serta penaja-penaja individu.

IR Malaysia turut berharap inisiatif seumpama ini dapat terus dilaksanakan dalam menyantuni komuniti yang memerlukan.

**-TAMAT-**

## **Mengenai Islamic Relief**

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief

Dikeluarkan oleh: Komunikasi Strategik, Islamic Relief Malaysia.

Untuk keterangan lanjut, hubungi Sis Zafirah di 019-220 1788 atau e-mel ke [Zafirah.Zahari@islamic-relief.org.my](mailto:Zafirah.Zahari@islamic-relief.org.my)

beroperasi di lebih 40 buah negara dan telah membantu ratusan juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

### **Mengenai Islamic Relief Malaysia**

Islamic Relief Malaysia ditubuhkan pada 2004, bertujuan untuk meneruskan bantuan kemanusiaan Islamic Relief di Rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperolehi di [www.islamic-relief.org.my](http://www.islamic-relief.org.my) atau menghubungi talian +603-8926 3434.